

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS

SETSWANA PUO YA GAE (HL)

PAMPIRI YA BORARO (P3)

2018

MEMORANTAMO

MADUO: 100

Memorantamo o, o na le ditsebe di le 14.

KAROLO YA A: RUBORIKI YA GO TSHWAYA TLHAMO – PUO YA GAE [50 MADUO]

ELA TLHOKO:

- Dirisa ruboriki ka gale fa o tshwaya tlhamo ya boitlhamedi (Pampiri 3 KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
DITENG LE IPAKANYO (Tsibogelo le dikakanyo) Thulaganyo ya dikakanyo tsa ipakanyo Temogo ya maitlhommo, baamogedi, le bokao	Maemo a kwa godimo	28–30 -Tsibogelo ya maemo a a kwa godimo go gaisa a a tlwaelegileng -Dikakanyo tse di bothale, tse di gwetlhang mogopolo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	22–24 -Tsibogelo e e tthamilweng ka matsetseleko -Dikakanyo tse di maleba tota gape di kgatlhisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	16–18 -Tsibogelo e e itumedisang -Dikakanyo di lomagane mo go tthaloganyegang e bile go kgotsofatsa -E rulagane le go lomagana mo go tthaloganyegang go tsenyeletsa matseno, mmele le bokhutlo	10–12 -Tsibogelo ya tomagano e e sa tthomamang -Dikakanyo tse di sa tthapang e bile di se na boitlhamedi -Bosupi jo bonnye jwa thulaganyo le tomagano	4–6 -Tsibogelo e e seng maleba gotlhelele -Dikakanyo tse di tthakatlhakaneng le go tthoka tsepamo -Di gasagane le go boelediwa -Ga e a rulagana e bile ga e a lomagana
		30 MADUO	25–27 -Tsibogelo e e manontlhotlho mme e tthaela ditlhokego tse di tsibosang tsa tthamo ya maemo a dinaledi -Dikakanyo tse di bothale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo	19–21 -Tsibogelo e e tthamilweng ka matsetseleko -Dikakanyo tse di maleba gape di kgatlhisa -E rulagantswe bontle le go lomagana go tsenyeletsa matseno, mmele le bokhutlo	13–15 -Tsibogelo e e itumedisang mme e latlhegelwa ke go tthaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo	7–9 -Bogolo jwa tsibogelo ga bo maleba -Dikakanyo tse di sa lomaganeng e bile di tthakatlhakane -Ga go na bosupi jwa thulaganyo le tomagano

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
PUO, SETAELE LE GO TSELEGANYA/ RUNA Segalo, rejisetara, setaele, tlotlofoko tse di maleba go maikaelelo/ ditlamorago le bokao Tlhopho ya mafoko Tiriso ya puo le melawana, tiriso ya matshwao a puiso, thutapuo le mopeleto	Maemo a kwa godimo	14–15 -Segalo, rejisetara, setaele le tlotlofoko di maleba le maikaelelo, baamogedi le bokao ka maemo a a kwa godimo -Puo e e tshololo, e itumedisa ka maemo a a tlaolegileng -Segalo se se nang le maikaelelo a a tlotlheletsang -Ga go na diphoso tsa thutapuo le tsa mopeleto ka gotlhe -Puo e e manontlotlho ya maemo a a kwa godimo	11–12 -Segalo, rejisetara, setaele le tlotlofoko di maleba thata le maikaelelo, baamogedi le bokao -Puo e nonofile le tiriso ya segalo e maleba -Bogolo jwa yona ga bo na diphoso tsa thutapuo le mopeleto -Puo e tshamilwe ka matsetseleko	8–9 -Segalo, rejisetara, setaele le tlotlofoko di maleba le maikaelelo, baamogedi le bokao -Tiriso e e maleba ya puo go tshagisa bokao -Segalo se maleba -Tiriso ya malepa a a tlotlheletsang ya go tshagisa diteng -Diphoso ga di kgoreletse bokao	5–6 -Segalo, rejisetara, setaele le tlotlofoko bomaleba jwa tsona bo kwa tlase ga maikaelelo, baamogedi le bokao -Tiriso ya puo ke ya maemo a motheo thata -Segalo, tlhopho le tiriso ya mafoko e e seng maleba -Tlotlofoko e lekanyeditswe thata	0–3 -Segalo, rejisetara, setaele le tlotlofoko ga di maleba le maikaelelo, baamogedi le bokao -Puo ga e tshaloganyesege -Tlotlofoko e nnye thata mme e dira gore go nne thata go tshaloganya
		15 MADUO	13 -Puo e e matsetseleko ya tlotlheletso e e nonofileng mo segalong -Ga e na diphoso tsa thutapuo le tsa mopeleto ka gotlhe -E tshamilwe ka manontlotlho	10 -Puo e e ngokang e bile e nonofile ka kakaretso -Segalo se se siameng se nonofile -Diphoso tse di mmalwa tsa thutapuo le mopeleto -E tshamilwe bontle	7 -Tiriso ya puo e e mo magareng, ka go tshoka tsepamo -Segalo se siame ka kakaretso le tiriso e e lekanyeditsweng ya malepa a tlotlheletso	4 -Tiriso e e bokoa ya puo -Mefuta ya dipolelo e mennye kgotsa ga e teng gotlhelele -Tlotlofoko e e lekanyeditsweng tota
KAGEGO Diponagalo tsa sethangwa Kago ya ditemana le go tshangwa ga dipolelo	Maemo a kwa tlase	5 -Kago e e manontlotlho ya setlhogo -Dintlhana tse di tshalegileng -Dipolelo, ditemana di bopilwe bontlentle	4 -Kago e e latelanang ya dintlhana -E lomagane -Dipolelo, ditemana, di latelana, di a farologana	3 -Kago ya dintlhana tse di maleba -Dipolelo, ditemana tse di bopilweng sentle -Tlhamo e sa ntse e na le tshaloganyo	2 -Go na le dintlha dingwe tse di amogelesegang -Dipolelo le ditemana di fosagetse -Tlhamo e sa ntse e na le tshaloganyo	0–1 -Dintlha tse di botlhokwa di a tshaela -Dipolelo le ditemana di fosagetse -Tlhamo e tshoka tshaloganyo
		5 MADUO				

RUBORIKI YA TLHATLHOBO YA SETLHANGWA SA TIRISANO – PUO YA GAE [25 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulaganngwe Maitlhommo, baamogedi, diponagalo/melawana le tiriso MADUO 15	13–15 -Tsibogelo ya maemo a a kwa godimo go gaisa se se lebeleletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse	10–12 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye	7–9 -Tsibogelo e e lekaneng e e bontshang kitso ya diponagalo tsa mofuta wa setlhangwa -Ga e a tsepama ka gotlhe – go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng	4–6 -Tsibogelo e e kwa tlase e e supang kitso ya diponagalo tsa mofuta wa setlhangwa -Go na le tsepamo e e rileng mme kwalo e fapogile setlhogo -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlaletseng ya melawana ya sebopego -Go tlodisiwa ga matlho go go tseneletseng	0–3 -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
	PUO, SETAELE LE GO TSELEGANYA/RUNA Segalo, rejisetara, setaele, maitlhommo, baamogedi le tiriso Tiriso ya puo le melawana Tlhopho ya mafoko Matshwao a puiso le mopeleto MADUO 10	9–10 -Segalo, rejisetara, setaele le tlotlofoko tse di maleba thatathata le maitlhommo, baamogedi le tiriso -Thutapuo e nepagetse e bile e agegile sentle -E se se nang diphoso gotlhelele	7–8 -Segalo, rejisetara, setaele le tlotlofoko tse di maleba thata le maitlhommo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	5–6 -Segalo, rejisetara, setaele le tlotlofoko di maleba le maitlhommo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	3–4 -Segalo, rejisetara, setaele le tlotlofoko di fosagetse go le gonnye go maitlhommo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile

KAROLO YA A: TLHAMO**POTSO 1****1.1 Tlhamo ya kanelo**

Mofuta o wa tlhamo, o anela ka ga sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Kwa bofelong, ka lemoga gore ngwana sejo o a tlhakanelwa.**

Dintlha tse di latelang di tshwanetse go elwa tlhoko fa go tshwaiwa tlhamo ya kanelo:

- Ditiragalo di tshwanetse go latelana sentle, mme mmuisi a dumele gore di diragetse.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monkgo le tiriso ya ditemosi tse dingwe.
- Bokhutlo e nne jo bo kgodisang.

Se se lebeleletsweng mo motlhatlhojweng:

- A kwale ka ga setlhogo se a ithophetseng sona.
- A tlhalose setlhogo.
- A tlhagise ditiragalo tsotlhe jaaka di diragetse, le se se mo gorositseng mo tshwetsong e.

[50]**1.2 Tlhamo ya tlhaloso**

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Bosenyi ka nako ya megwanto.**

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka setlhogo se a se filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go ntsha molaetsa sentle.
- Go dirisiwe ditshwantsho, modumo le kutlo go tlhalosa mofuta o wa tlhamo sentle.
- Puo ya botshwantshi e dirisiwe.
- Motlhatlhojwa a bontshe fa a na le maitemogelo mo setlhogong se.

Se se lebeletsweng mo motlhatlhojweng:

- A kwale ka ga setlhogo se a itlhophetseng sona.
- A tlhalose setlhogo.
- Mefuta e e farologaneng ya bosenyi e e diragalang e tlhalosiwe.
- A tthagise se se tlhotlheletsang bosenyi ka motlha oo.
- A tthagise ditlamorago le tsibogo ya morafe le puso morago ga tshenyoo.
- A sobokanye dintlha le go supa kemo ya gagwe kwa bokhutlong.

[50]**1.3 Tlhamo ya maitlhamo**

Mo mofuteng o wa tlhamo, motlhatlhojwa o leba kakanyo, a bo a tthagisa maikutlo/tsibogo ya gagwe. Motlhatlhojwa a ka leba ditiro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: **Fa nka nna ntlhopheng wa mokhanselara mo tikologong ya rona.**

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tsaya letlhakore.
- Maikutlo a tseye karolo e e botlhokwa.
- Karolo e kgolo mo tlhamong e ka tlhalosa. Ditlhaloso di tshwanetse go bonala, maikaelelo e le go tthagisa gape maikutlo a motlhatlhojwa.
- Dikakanyo/Megopolo/Maikutlo di tshwanetse go senola boammaaruri le maitemogelo.
- Tlhamo e kwalwe ka pakatlang.

Se se lebeletsweng mo motlhatlhojweng:

- A kwale ka ga setlhogo se a itlhophetseng sona.
- A motlhatlhojwa a phutholole setlhogo.
- Tlhamo e tthagise maitlhamo a gagwe ka ga tiro ya bokhanselara.
- Tthagiso ya dilo tse motlhatlhojwa a lebeletsweng go di tlhokomela jaaka:
 - maitsholo a a lebeletsweng
 - maikarabelo a go nna ntlhopheng
 - a ka tthagisa kemo ya gagwe jaaka mongwe wa bontlhopheng.
- A fe dikao tsa se a buang ka ga sona kgotsa a se dira fa go kgonega.
- Bokhutlo e nne jo bo sobokanyang maitlhamo e bile bo gotsofatsa.

[50]**1.4 Tlhamo ya tlhaloso**

Mo tlhamong e, motlhatlhojwa o tthagisa kakanyo, ntlhakemo ka maitlhamo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tthagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: **Mosadi ke lobone lwa setšhaba.**

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa a simolole ka go tlhagisa ntlhakemo ya gagwe go bontsha boitshimololeli.
- A neye mefutafuta ya dikakanyo go tshegetsa ntlhakemo ya gagwe mme a tlhalose se.
- Tlhamo e tlhagise dikakanyo ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang e bile e pateletsa mmuisi go dumelana le tse di tlhagisitsweng.
- Tlhamo ya mofuta o e kwalwe ka pakajaanong.

Se se lebeleletsweng mo motlhatlhojweng:

- A kwale ka ga setlhogo se a itlhophetseng sona.
- A tlhalose setlhogo.
- A tlhagise matlhakore a mabedi ka kang e.
- A tshegetse matlhakore a mabedi ka dikao.
- A tlhagise dintlha tsa gagwe ka mokgwa o o kgodisang.
- A sobokanye dintlha le go supa kemo ya gagwe kwa bokhutlong.

[50]**1.5 Tlhamo ya tlhaloso**

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Pula ya matlakadibe.**

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka setlhogo se a se filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go ntsha molaetsa sentle.
- Go dirisiwe ditshwantsho, modumo le kutlo go tlhalosa mofuta o wa tlhamo sentle.
- Puo ya botshwantshi e dirisiwe.
- Motlhatlhojwa a bontshe fa a na le maitemogelo mo setlhogong se.

Se se lebeleletsweng mo motlhatlhojweng:

- A kwale ka ga setlhogo se a itlhophetseng sona.
- A tlhalose setlhogo ka botlalo.
- A tlhagise mofuta wa pula e.
- A tlhagise ditlamorago tsa pula e.
- A sobokanye dintlha.

[50]

1.6 Tlhamo ya ngangisano

Mo tlhamong e, motlhatlhojwa o tthagisa kakanyo, ntlhakemo, mme o nganga ka maitlhommo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tthagisa letlhakore le le lengwe, mme motlhatlhojwa a leke go tlotlheletsisa mmuisi go leba ditiragalo ka leitlho la gagwe.

Sekao sa setlhogo: **Kgololosego mo nageng ya rona e latlhegelwa ke boleng. Dumela kgotsa o ganetse.**

Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:

- Motlhatlhojwa a simolole ka go tthagisa ntlhakemo ya gagwe go bontsha boitshimololeli.
- A neye mefutafuta ya dingangisano go tshegetsisa ntlhakemo ya gagwe mme a tthalose se.
- Tlhamo e tthagise letlhakore le le lengwe, mme dikakanyo di tthagisiwe ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tthagisa kakanyo e e tlhomameng, e e tthaloganyegang e bile e tlotlheletsisa mmuisi go dumelana le tse di tthagisitsweng.
- Tlhamo ya mofuta o e kwalwe ka pakajaanong.

Se se lebeleletsweng mo motlhatlhojweng:

- A kwale ka ga setlhogo se a itlhophetseng sona.
- A tthalose setlhogo le tthagiso ya ntlhakemo ya gagwe.
- A bolele ntlhakemo ya gagwe, mme a e dibe ka bosupi jo bo rileng.
- A tthagise melemo le ditlamorago tsa ntlhakemo ya gagwe.
- A tthagise dintlha tsa ngangisano tse di tshegetsang ntlhakemo ya gagwe.
- Kwa bokhutlong a tthagise tshikinyo ya se se ka diriwang go rotloetsa ntlhakemo ya gagwe.

[50]**1.7 1.7.1 Tlhamo ya tlhaloso**

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Setshwantsho.**

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko.
- Motlhatlhojwa a tthophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho, modumo le kutlo go tlhalosa mofuta o wa tlhamo sentle.

[50]

- Puo ya botshwantshi e dirisiwe.
- Motlhatlhojwa a bontshe fa a na le maitemogelo mo setlhogong se.

Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Setshwantsho.**

Dintlha tse di latelang di tshwanetse go elwa tlhoko fa go tshwaiwa tlhamo ya kanelo:

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetswe go elwe tlhoko gore mofuta o wa tlhamo o a anela.

Se se lebeleletsweng mo motlhatlhojweng:

- Setlhogo se nyalane le setshwantsho se a se itlhophetseng.
- A tlhalose ka ga setlhogo.
- A tlhagise ditiragalo tse di amanang le se se tlhagelelang mo setshwantshong.
- Tiriso ya mafoko a a tlhagisang pono, modumo le kutlo go tlhalosa se se diragalang mo setshwantshong.
- A supe boitshimololeli.
- Thotloetso go baagi go efoga kgotsa go rotloetsa se se diragalang mo setshwantshong.
- Bokhutlo bo supe maikutlo a gagwe.

[50]

1.7.2 Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Setshwantsho.**

Dintlha tse di latelang di tshwanetse go elwa tlhoko fa go tshwaiwa tlhamo ya kanelo:

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.

- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe
- Go tshwanetswe go elwe tlhoko gore mofuta o wa tlhamo o a anela.

Tlhamo ya tlhaloso

Mokwadi mo tthamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Setshwantsho.**

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho, modumo le kutlo go tlhalosa mofuta o wa tlhamo sentle.
- Puo ya botshwantshi e dirisiwe.
- Motlhatlhojwa a bontshe fa a na le maitemogelo mo setlhogong se.

Se se lebeleletsweng mo motlhatlhojweng:

- Setlhogo se nyalane le setshwantsho se a se itlhophetseng.
- A tlhalose setlhogo.
- A tlhagise ditiragalo tse di amanang le se se tlhagelelang mo setshwantshong.
- Tiriso ya mafoko a a tlhagisang pono, modumo le kutlo go tlhalosa se se diragalang mo setshwantshong.
- A supe boitshimoleledi.
- Thotloetso go baagi go efoga kgotsa go rotloetsa se se diragalang mo setshwantshong.
- Bokhutlo bo supe maikutlo a gagwe.

[50]

PALOGOTLHE YA KAROLO YA A:**50**

KAROLO YA B: DITLHANGWA TSA TIRISANO**POTSO 2****2.1 LEKWALO LA BOTSALANO**

Lekwalo la botsalano ke le le kwalelwang motho mongwe yo o rileng, e ka nna wa lesika kgotsa tsala go tlhaeletsana jaaka go leboga, itsise, kopa, keletsomasego, jalojalo.

Dintlha tse di tshwanetseng go elwa tlhoko fa go tshwaiwa lekwalo la botsalano:

- Lekwalo le, le le khutshwane le neela dintlhakgolo ka se o buang ka ga sona. Palo ya mafoko a lona ke 180–200 diteng fela.
- Le supe maikutlo a mokwadi fela le se ka la teba thata.
- Le se ka la nna le diphoso tsa mofuta ofe.
- Le fe tshedimose tso ya se go buiwang ka ga sona.
- Aterese ke ya mokwadi fela.

Se se lebeleletsweng go tswa mo motlhatlhojweng:

- Aterese e nne nngwe, ya mokwadi.
- Ditumediso di kwalwe.
- A thadise maikaelelo a gagwe ka moletlo wa batsadi le letlha le moletlo o tlaa tshwarang ka lona.
- A tlhalose maikutlo a gagwe,
- Bokhutlo e nne jo bo maleba ka se se solofetsweng.

[25]**2.2 LEKWALO LA SEMMUSO GO BA KGATISO**

Lekwalo la semmuso ke le le kwalelwang setheo sengwe se se rileng. Mokwadi o kopa sengwe e ka nna phatlhatiro kgotsa thuso ya mokgwa mongwe; a ka ngongorega, a akgola kgotsa a gomotsa mo maemong a mangwe.

Dintlha tse di tshwanetseng go elwa tlhoko fa go tshwaiwa lekwalo la semmuso:

- Lekwalo le, le le khutshwane le na le dintlhakgolo ka ga se se batliwang kgotsa se se kopiwang. Palo ya mafoko a lona ke 180-200 diteng fela.
- Le se ka la nna le diphoso tsa mofuta ofe.
- Le nne le tshedimose tso ya se go buiwang ka ga sona.
- Diaterese di nne pedi, ya mokwadi le ya moamogedi.
- Le nne le dinomoro tsa mogala kwa mokwadi a ka fitlhelwang gona.

Se se lebeleletsweng go tswa mo motlhatlhojweng:

- Aterese ya mokwadi le ya moamogedi.
- Setlhogo sa lekwalo le ditumediso di kwalwe.
- Thadiso ka ga ditshwantsho tse di tlhagisitsweng le dintlha tse di fosagetseng.
- Tlhagiso ka ga go sa itumeleng ga gagwe.
- Tlhagiso ya kopo ya gago go motseleganyi wa makaseni.
- Bokhutlo e nne jo bo maleba ka se se solofetsweng. Tlhagiso ya leina/ditlhakaina le sefane. Dinomoro tsa mogala.

[25]

2.3 LENANEOTEMA LE METSOTSO

Lenaneotema le metsotso ke karolo ya botlhokwa ya go tlhaeletsana. Ke kitsiso le kgobokanyo ya dintlhakgolo tse go tlileng go buiwa ka tsona mo kopanong e e rileng. E thusa batlapitsong go itse se ba se bile diwang le gore ba tle pitsong ba ipaakantse.

Dintlha tse di tshwanetseng go elwa tlhoko fa go tshwaiwa lenaneotema le metsotso:

- Tshedimosetso ya kopano e tshwanetse go kwalwa.
- Letlha le lenaneotema le tswang ka lona le tshwanetse gore le se ka la atamelana thata le letlha la kopano.
- Palo ya dintlha tsa kopano e ka nna teng gore lenaneotema le se ka la fetolwa ka nako ya kopano.
- Palo ya mafoko a lenaneotema mmogo le metsotso ke 180-200 diteng fela.
- Kwala metsotso ka pakapheti.

Se se lebeleletsweng mo motlhatlhojweng:

- Kwala letlha le lenaneotema le tswang ka lona.
- Dintlha tsa se se tlaa buiwang kwa kopanong, di rulagantswe ka botlhokwa jwa tsona.
- Nako le lefelo le kopano e tlaa tshwarelwang kwa go lona.
- Mo metsotsong, tlhagisa letlha le kopano e tshwerweng ka lona.
- Kwala nako e kopano e tshwerweng ka yona.
- Tlhagisa dintlha tse di tshotlhiweng kwa kopanong.
- Tlhagisa tshobokanyo ya se se tshikintsweng le se go dumalanweng ka sona.
- Letlha la kopano e e latelang le a fiwa.

[25]

2.4 ATHIKELE YA LOKWALODIKGANG

Athikele ya lokwalodikgang ke karolwana ya lokwalodikgang e batho ba kwalang dikgang dingwe kgotsa ba bega sengwe gore se buisiwe ke botlhe.

Dintlha tse di tshwanetseng go elwa tlhoko fa go tshwaiwa athikele ya lokwalodikgang:

- Kgang e neelwa setlhogo se se itlhalosang e bile se gogela.
- Motlhatlhojwa o na le kgolosego ya bobegakgang.
- Palo ya mafoko a lona ke 180-200 diteng fela.
- O patelesaga gore kgang ya gagwe e ngokele, mme e sa nyeletse bonnete jwa kgang.
- Temana ya ntlha e tshwere bontsi jwa dikgang gonne e araba dipotso Kae? Mang? Leng? Jang? E tlhagisa dilo tse di thibelang phitlhelelo ya ditiro.
- Leina la mokwadi le tlhagisiwe kwa tshimologong ya athikele.

Se se lebeleletsweng mo motlhatlhojweng:

- Setlhogo se se nang le kgogedi.
- Tlhagiso ya dikao tsa ditiro tse di sa fitlhelelweng le mabaka a go sa di fitlhelele.
- Thadiso ya dikgakololo mabapi le go emelana le seemo sa go sa fitlhelele.
- Tlhagiso ya ditlamorago tsa go sa emelane le seemo sa go sa fitlhelele ditiro.
- Thotloetso go batho go lwela go fitlhelela ditiro tsa bona.

[25]**2.5 POTSOTHERISANO**

Potsotherisano ke kopano e e rulaganeng e mo go yona go nang le yo o bodiwang dipotso go fitlhelela tsedimoseetso ka sengwe se se rileng. Potsotherisano ke mokgwa o o dirisiwang gantsi go batla tshedimoseetso mo go mongwe ka ga sengwe se a se dirang.

Dintlha tse di tshwanetseng go elwa tlhoko fa go tshwaiwa potsotherisano:

- Setlhogo se supe gore potsotherisano ke ka ga eng.
- Kagego e nne ya mmuisano
- Maina a dibui a tshwanetse go tlhagelela sentle.
- Patlisiso ka ga batsenela-potsotherisano ka go ba botsa dipotso.
- Dipotso di nne dikhutshwane mme dikarabo tsa motsenela-potsotherisano di ka nama. Palo ya mafoko a lona ke 180-200 diteng fela.
- Puo le moonno di tsamaelane le se go buisanwang ka ga sona.
- Puo e nne e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

Se se lebeleletsweng mo motlhatlhojweng:

- Naya dipotso tsa balaolapotsotherisano le dikarabo tsa batsenela potsotherisano morago ga potso nngwe le nngwe.
- Dipotso di ikaege ka ditlhokego tsa bokwaledi.
- A go nne le kelelo ya dipotso le dikarabo.
- Puo e nne e e tlhamaletseng.
- Bokhutlo e nne jo bo lebeleletsweng.

[25]

2.6 TSA BOTSHELO JWA MOSWI

Tsa botshelo jwa moswi ke tshedimose tso ka botlalo fela e le khutshwane ka ga botshelo jwa yo o tlhokafetseng. Palo ya mafoko e nne 180-200 diteng fela.

Dintlha tse di tshwanetseng go elwa tlhoko fa go tshwaiwa tsa botshelo jwa moswi:

- Neela tshedimose tso e ntsi ka moo o ka kgonang ka teng.
- Tlhagisa tshedimose tso e e tletseng ka dintlha tse di latelang:
Leina la moswi, letlha la matsalo, boemo jwa tsalo. Batsadi, boagi, dithutego, tiro, seabe sa gagwe mo setshabeng (fa go tlhokega), kemo ya nyalo (fa a nyetswe/nyetse), sebakwa sa loso.
- Phefofatso e dirisiwe mo go kgonegang.

Se se lebeleletsweng go tswa mo motlhatlhojweng

- Leina la moswi le batsadi.
- O tshotswe leng.
- Dikolo tse a di tseneng.
- Maemo a dikolo.
- Tiro (mofuta le maemo kwa tirong).
- Ditiro mo setšhabeng.
- Maemo a nyalo le maina a monyadi/monyadiwa go akaretsa le bana fa ba le teng.
- Tlhagisa letlha le a tlhokafetseng ka lona le sebakwa sa loso.
- Tlhagisa ka boripana dintlha dingwe ka ga maitemogelo a moswi tse balelapa le ditsala ba ka mo ikgopotsang ka tsona.
- Mafoko a go robatsa moswi.
- Leboko la kgotla ya moswi le ka tsenngwa fa go tlhokega.

ELA TLHOKO: Morutwana a kwale ka ga moswi e seng motshedi.

[25]

PALOGOTLHE YA KAROLO YA B: 50
PALOGOTLHE YA TLHATLHOBO: 100